



Presidente da RDTL, Taur Matan Ruak Inaugura Projeto PNDS, iha Municipiu Viqueqe

PNDS

Hamutuk Ita
Dezenvolve nasaun

Junho 2015

Presidente da Republika, Taur Matan Ruak Inagura Projeto PNDS Iha Suku Irabin de Cima, Postu Administrativo Uato-Carbau, Municipiu Viqueqe.

Sentru Komunitariu, Saneamentu Publiku no Rehabilitasaun Be'e mos ne'ebé konstrui iha Suku Irabin De Cima, postu Administrativo Uato-Carbau, Municipiu Viqueqe inagura husi Prezidente da Republika. Iha loron segunda feira dia 22 de Juñu de 2015 foin lalais nee. Liu husi Implementasaun programa PNDS faze primeiru, Iha Suku Irabin De Cima hili prioridade tolu ne'ebé sai hanesan prioridade urgente maka Sentru komunitariu, Saneamentu Publiku no Rehabilitasaun bee mos iha Bubulale.

Total orsamentu subsidiu suku ne'ebé aloka ba suku ne'e ho montante \$55,000, ne'e inklui fundus rua (Fundus Infraestrutura : \$48,500.00 ho Fundus Operasional : \$6,500.00). Fundus Infraestrutura \$48,500.00 utiliza hodi implementa projetu prioridades 3 mak hanesan Sentru Komunitariu multi funsaun ho montante rihun 34,354.00 dollar amerikano, kontrusaun Saneamento públiku ho montante rihun 8,872.00 dolar amerikano, no rehabilitasaun bee mos rihun 5,273.00 dollar amerikano.

Iha dialogu ho presidente da República Taur Matan Ruak, comunidade sira preokupa ho orsamentu restu ne'ebé aloka ba suku Irabin De Cima ne'ebé tuir mata dalan PNDS la permiti atu uja tan ba hala'o kontruksaun seluk ka aumenta buat ne'ebé sei falta iha Sentru komunitariu. Hatan ba preokupasaun nee, liu husi oportunidade ne'ebé entrega ba Directur Administrasaun no Finansas PNDS, Aderito Guterres hateten Programa PNDS implementa ho base legal dekretu Lei nomeru 8/2013, tuir Aderito Guterres orsamentu ne'ebé aloka ona ba Suku 442 kuando iha implementasaun ezejuta la hotu sei nafatin hela iha konta bankaria Suku nian, maibe sei la uja atu halo tan konstrusaun ruma enkuantu halo ona enkontru akontabilidade hodi halo sertifikasaun. Maibe la signifika katak orsamentu nee atu fila hikas ba kofre estado, orsamentu nee sei nafatin hanesan orsamentu Suku nian ne'ebé rai hela iha konta Bankaria suku iha banku BNCTL hodi ezejuta iha fase tuir mai enkuantu implementasaun faze tuir mai hahú hikas. Iha parte seluk wainhira hatan kona-ba pedidu comunidade ba Presidente da Republika kona-ba uja orsamentu PNDS hodi hari Postu Saude iha Suku Irabin De Cima, Direktur Aderito Guterres hateten tuir Mata dalan Implementasaun PNDS parte Menu Indikativu sei la permiti atu bele hari'l Postu Saude foun, maibe ho orsamentu husi Ministeriu relevante hari'l ona postu saude iha Suku neba, dala nakloke no posibel atu bele uja orsamentu PNDS nian hodi halo extensaun ka kompleta buat balun ne'ebé sei falta iha postu saude ne'ebé hari'l ona husi Ministeriu da Saude, maibe la posibel mos katak postu nee foin hari'l atu halo kedan extensaun ka kompleta buat balun neebe sei falta.

Progresu

Pilotu: Remata ona

Faze 1: Remata ona

Faze 2: Etapa 11/ 12

- Kompleta kontrusaun
- Sertifika, no Halo enkontru akontabilidade final

Faze 3: Etapa 6/7

- Diskrisaun Proposta Projeto
- Perpara Plano Detailhu


Faze 1 Siklu 2 : Etapa 4/5

- Formasaun Ba EJS
- Determina Prioridade




Prioridade sira Iha Nasional Tuir Seitor no Fazes

Faze 1 (149) Suku



Faze 2 (91) Suku



- Saude
- Bee Mos no Saneamentu
- Edukasaun, Cultura e Desportu
- Agricultura, Siguranca Alimentar no Buka Moris
- Dalan, Ponte no Kontrolo de Cheias
- Solidariedade Sosial
- Sektor Seluk




Implementasaun programa PNDS, iha Suku benefisia comunidade hodi hetan asistencia saude ho diak

Implementasaun programa PNDS iha Suku Lisadila postu Administrativo Maubara, Municipiu Liquica hodi extende sala klínika ba postu Saude iha Aldea Lebuae rejultado hatudu katak benefisia emidiatu comunidade ne'ebé hela iha area ne'ebé hodi hetan asistencia saude ho diak.

Liu husi implementasaun programa PNDS comunidade iha suku Lisadila decide prioridade atu loke tan sala klínika husi postu saude ne'ebé hari husi ministériu da saude iha sira nia Suku. Sala klínika ne'ebé halo extensaun ho orsamentu PNDS kompletu ho fasilidade saude nian hanesan fasilidade partus nian hamutuk ho sala baixa.

Foin lalais nee iha Suku Lisadila (10/06/2015) Francisco Xavier dos Santos nudar emfermeiru ne'ebé hala'o knar iha suku neeba agradece ba PNDS tanba ho facilidades saude nian ne'ebé perpara liu husi implementasaun programa PNDS bele fasilita ona sira hodi fo atendementu saude ba comunidade sira ne'ebé hela iha area.

Nune'e mos Mateus de Jesus nudar comunidade ne'ebé hela iha area neba afirma katak liu husi programa PNDS bele responde duni sira nia difikuldades ne'ebé sira enfrenta durante nee, hanesan benefisiasiu husi extensaun sala klínika nee Mateus sente kontente tebes tanba ho facilidades ne'ebé iha sira bele hetan ona atendementu saude ho dignu.



Rejultado Implementasaun Programa PNDS iha Suku Bandudato, Municipiu Aileu Komunitade hahú Dezenvelope Aan

Liu husi Implementasaun Programa PNDS iha Suku Bandudatu, Postu Administrativo Aileu Vila, Municipiu Aileu, tuir Observasaun iha terreno (11/06/2015). Suku Bandudatu hanesan Suku ida partensi husi Aileu, lokaliza iha Postu Administrativo Aileu Vila, comunidade iha suku ida nee mayoria moris ho vida agrikultura.

Liu husi programa PNDS ne'ebé implementa iha sira nia suku, comunidade sira decide bee mos hanesan prioridade ne'ebé persija tau atensaun urgente iha sira nian Suku. Benefisiu husi konstrusaun bee mos nee mak oras nee dadaun comunidade sira hahú ona aproveita bee ne'ebé iha hodi desenvolve sira nian aan, ijemplu mak hanesan comunidade sira hahú ona aproveita bee nee hodi fungsiona sira nia kintál ne'ebé durante nee abandona hela kuandu tempu bailoron, sira bele uja ona ba kuda modo, alende uja ba nesiedade basiku.

Tuir comunidade sira, katak bee nee fasilita tebes sira, uluk kuandu seidak dada bee nee mai iha sira nia fatin susar tebes ba sira atu hetan bee mos, maibe agora fasil no besik los, sira bele hetan bee mos alende nee sira mos bele uja ba kuda ai horis, kuda modo no hakiak animal no buat seluk ne'ebé sira persija atu halo, fasil los ba sira, fasilidade bee ba sira la sai ona kestaun ne'ebé difikulta sira nia moris loron-loron.

Konaba manutensaun comunidade sira hateten, ami sempre halo manutensaun rutina ba ami nia instalasaun bee mos, kuandu aat ka intipidu iha bee matan central ami sempre organiza malu hodi hadia. Esperea katak ami bele utiliza intalasaun bee mos ne'ebé dada mai ona iha ami nia suku hodi dezenvelope ami nia moris iha futuru.

Atu hetan informasaun tan:
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl